




REPUBLIKA E SHQIPËRISË  
PREFEKTI I QARKUT FIER

Nr. 720 prot.

Fier, më 16.07.2020

**MIRATOI:**  
**PREFEKTI I QARKUT FIER**  
**Baki BALA**



LIDHJA NR. 1

**PROGRAMI I TRANSPARENCËS  
I INSTITUCIONIT E PREFEKTIT TË QARKUT FIER**

**I. HYRJE**

Në përputhje me nenin 7 të ligjit nr.119/2014 "Për të Drejtën e Informimit" është përgatitur programi i transparencës për institucionin e Prefektit të qarkut Fier. Ky program përcakton kornizën ligjore të veprimtarisë së autoritetit në kuadër të ligjit nr.119/2014 "Për të Drejtën e Informimit"(LDI).

Ky program vlerësohet si një mënyrë konkrete përmes së cilës Autoriteti Publik (këtej e tutje AP) ndërton dhe rrit transparencën në punën e tij institucionale, nën garancinë e LDI-së. AP-ja do të përditësojë herë pas here Programin e Transparencës, në përputhje me pikën 2 të nenit 5 të LDI-së.

Informacioni i bërë publik në këtë program, synon të bëjë transparencën e veprimtarisë së punës së AP-së, nëpërmjet pasqyrimit të detajuar të tij në faqen zyrtare [www.prefektiqarkutfier.gov.al](http://www.prefektiqarkutfier.gov.al) si dhe në mjediset e pritjes së publikut. Programi i transparencës pasqyrohet në rubrika, tekste/përmbajtje, afat kohor për bërjen publike të tij, mënyrën e bërjes publike si dhe strukturën përkatëse e cila prodhon ose administron dokumentin.

Në përmbajtje të programit të transparencës evidentohet skema e publikimit, e cila pasqyron menutë ku adresohet dokumenti në faqen zyrtare në internet. Përveç kësaj, çdo dokument është i aksesueshëm edhe në skemë.

Dokumentacioni i bërë publik, do të jetë i përditësuar në formë e përmbajtje. Faqja zyrtare e AP-së është ndërtuar në atë formë që mundëson informacion për publikun pa kërkesë në format lehtësisht të kuptueshëm. Në rubrikat e faqes zyrtare pasqyrohen edhe informacione që karakterizohen nga kufizime të identifikimit të të dhënave personale për shkak të ruajtjes së privatësisë së individëve/subjekteve të të dhënave, etj.

Skema e publikimit paraqitet nëpërmjet tabelës përmbledhëse të evidentuar në këtë program.

**II. PARIME TË PËRGJITHSHME**

Parimet kryesore në të cilat mbështetet Programi Transparencës së AP -së janë:

1. "E drejta për informim" është e drejtë Kushtetuese e parashikuar në nenin 23 të saj, e aksesueshme nga të gjithë pa asnjë përjashtim.

2. Prezumimi i publikimit maksimal të të dhënave: AP-ja ushtron funksione publike, për rrjedhojë informacioni që rrjedh nga veprimtaria e tij publikohet në përputhje me legjislacionin në fuqi.
3. Zbatimi korrekt i ligjit dhe dispozitave ligjore që rregullojnë në mënyrë të posaçme veprimtarinë e AP-së dhe përkatësisht ligji 107/2016 “Për prefektin e qarkut”.
4. Informacioni përshtatet në gjuhë të qartë e të kuptueshme.
5. Organ mbikëqyrës i procedurave të informimit publik është Komisioneri për të Drejtën e Informimit dhe Mbrotjtjen e të Dhënave Personale” (këtej e tutje KDIMDP).
6. Rishikimi i programit të transparencës bëhet sipas së njëjtës procedurë, përmes së cilës është bërë miratimi i tij.
7. Informacioni publik pa kërkesë duhet të jetë:
  - i plotë;
  - i saktë;
  - i përditësuar;
  - i thjeshtë në konsultim;
  - i kuptueshëm;
  - lehtësisht i aksesueshëm;
  - i pajtueshëm me dokumentet origjinale në posedim të autoritetit publik.

### III. INFORMACIONI QË BËHET PUBLIK PA KËRKESË

Informacioni i lejuar për publikim është shprehimisht i parashikuar në nenin 7 të ligjit Nr.119/2014 “Për të Drejtën e Informimit”.

Në përputhje me këtë program transparence të miratuar, institucioni i Prefektit të qarkut Fier vendos në dispozicion të publikut në faqen e tij të internetit [www.prefektiqarkutfier.gov.al](http://www.prefektiqarkutfier.gov.al) dhe në mjediset e pritjes së publikut, kategoritë e mëposhtme të informacionit:

- Strukturën organizative të autoritetit publik;
- Tekstet e plota, të konventave që janë ratifikuar, të ligjeve, të akteve nënligjore, të kodeve të sjelljes, dokumente politikash, të manualit ose ndonjë dokument tjetër që ka lidhje me ushtrimin e funksioneve të tij dhe që prek publikun e gjerë;
- Informacion për procedurat që duhen ndjekur për të bërë një kërkesë për informim, adresën postare dhe elektronike për depozitim të kërkesave për informim, si dhe procedurat e ankimit të vendimit përkatës;
- Të dhëna për vendndodhjen e zyrave të autoritetit publik, orarin e punës, emrin dhe kontaktet e koordinatorit për të drejtën e informimit;
- Të dhëna për arsimin, kualifikimet dhe pagat e funksionarëve, të cilët kanë detyrimin për deklarimin e pasurisë, sipas ligjit, strukturat e pagave për nëpunësit e tjerë, si dhe një përshkrim të procedurave të zgjedhjes, kompetencave dhe detyrave të funksionarëve të lartë të autoritetit publik dhe procedurën që ata ndjekin për të marrë vendime;
- Mekanizmat monitorues dhe të kontrollit që veprojnë mbi autoritetin publik, përfshirë planet strategjike të punës, raportet e auditimit nga Kontrolli i Lartë i Shtetit ose subjekte të tjera, si dhe dokumentet që përmbajnë tregues të performancës së autoritetit;
- Të dhëna për buxhetin dhe planin e shpenzimeve për vitin financiar në vijim dhe vitet e kaluara, si dhe çdo raport vjetor për zbatimin e buxhetit. Në ato raste kur autoriteti publik vetëfinancohet nga tarifatat e licencave ose çdo formë tjetër e financimit të drejtpërdrejtë nga subjektet e rregulluara prej tij, bëhen publike edhe dokumentet që tregojnë gjendjen e shlyerjes së detyrimeve nga subjektet e licencuara;
- Informacion për procedurat e prokurimit apo procedurat konkurruese të koncesionit/partneritetit publik privat, përkatësisht, sipas parashikimeve të ligjit nr. 9643, datë 20.12.2006, “Për prokurimin publik”, dhe të ligjit nr. 125/2013, “Për koncesionet dhe partneritetin publik privat”, që kryhen për llogari të autoritetit publik, duke përfshirë: listën e kontratave të lidhura, shumën e kontraktuar, palët kontraktuese dhe përshkrimin e shërbimeve

apo mallrave të kontraktuara, informacionin për zbatimin dhe monitorimin e kontratave, si dhe udhëzues e politika të ndryshme;

- Informacion për shërbimet që autoriteti i jep publikut, përfshirë standardet për cilësinë e shërbimit, një përshkrim të kategorive dhe formave të ndihmës shoqërore, subvencioneve të dhëna nga autoriteti publik dhe të procedurave për t'i përfituar ato, informacione dhe dokumente që kërkohen shpesh, çdo informacion tjetër që gjykohet i dobishëm nga autoriteti publik;
- Çdo mekanizëm dhe procedurë për bërjen e kërkesave dhe ankesave, në lidhje me veprimet ose mosveprimet e autoritetit publik, procedura, përmes së cilës personat e interesuar mund të paraqesin mendimet e tyre apo të ndikojnë në çfarëdo mënyre tjetër në hartimin e ligjeve, të politikave publike apo ushtrimin e funksioneve të AP-së, një përshkrim të thjeshtë të sistemit që përdor autoriteti publik për mbajtjen e dokumentacionit, të llojeve, formave të dokumenteve, si dhe të kategorive të informacionit që bëhet publik pa kërkesë;
- AP-ja, gjithashtu, krijon dhe arkivon një kopje digjitale të faqes zyrtare të tij në internet, të plotësuar me informacionin që kërkohet në programin e miratuar të transparencës, si dhe për metodat, mekanizmat dhe periodicitetin e publikimit të informacioneve publike, të cilat vihen në dispozicion të publikut pa kërkesë;
- Aktet që përmbajnë rregulla, norma apo kufizime të të drejtave dhe lirive themelore të individit, si dhe me efekt të drejtpërdrejtë për ta, bëhen publike me anë të afishimit apo postimit në faqen zyrtare të internetit, brenda 48 orëve prej miratimit të aktit nga AP-ja.

Informacioni i publikuar sipas kësaj skeme, përditësohet sa herë ai ndryshon.

#### IV. TABELA PËRMBLEDHËSE E PROGRAMIT TË TRANSPARENCËS SË INSTITUCIONIT TË PREFEKTIT TË QARKUT FIER

Kategorite e Informacionit public pa kerkese	Baza ligjore	Dokumenti Përmbajtja	Afati kohor për publikim	Mënyra e publikimit	Struktura përgjegjëse
Përshkrim i strukturës organizative, funksioneve dhe detyrave të autoritetit publik	Neni 7/1/a/d	- Struktura organizative e institucionit të Prefektit të Qarkut Fier. (Urdhër i Kryeminsitrit). - CV Prefekti i Qarkut. - Struktura e pagave	Menjëherë pas botimit në fletore zyrtare. Përditësohet pas çdo akti emërimi	Në menunë përkatëse në faqen zyrtare të institucionit	Sektori i Financës dhe Shërbimeve Mbështetëse
Akte ndërkombëtare ligje; akte nën ligjore; dokument politikash; dokument tjetër	Neni 7/1/b	- Kode - Ligje - Vendime - Urdhëra - Udhëzime	Menjëherë pas botimit në fletore zyrtare. Pas miratimit nga Prefekti	Në menunë përkatëse (Legjislacioni) në faqen zyrtare të institucionit	Sektori Juridik
Informacion për procedurat që duhen ndjekur për të bërë një kërkesë për informim, adresën postare dhe elektronike për depozitimin e kërkesave për informim, si dhe procedurat e ankimit të vendimit përkatës	Neni 7/1/c/g	- Format kërkesë - Format ankese - Adresa postare: - Prefekti i Qarkut Fier - "Rruga Ramiz Aranitasi" Fier  - Orari: - E hene - E enjte - 08:00-16:30 - E premte - 08:00 – 14:00 -	Pas miratimit të Programit të transparencës  Menjëherë në rast ndryshimesh	Në menunë përkatëse në faqen zyrtare të institucionit	Sektori i Financës dhe Shërbimeve Mbështetëse. Kordinatori për të drejtën e informimit

Të dhëna për vendndodhjen e zyrave të autoritetit publik, orarin e punës, emrin dhe kontaktet e koordinаторit për të drejtën e informimit	Neni 7/1/ç	<ul style="list-style-type: none"> <li>- Adresa postare:</li> <li>- Prefekti i Qarkut Fier "Rruga Ramiz Aranitasi" Fier .</li> <li>- Orari:</li> <li>- E hënë - E enjte</li> <li>- 08:00-16:30</li> <li>- E premte</li> <li>- 08:00 – 14:00</li> <li>- Koordinatori:</li> <li>- Arben Velo</li> <li>- Email:</li> <li>- Arben.Velo@prefektifier.gov.al</li> <li>- Email:</li> <li>- <a href="mailto:Prefekti.fier@mb.gov.al">Prefekti.fier@mb.gov.al</a></li> <li>- Tel: +355 9 034 60 70 80</li> <li>- Fax: +355 0 34 60 70 80</li> </ul>	Pas miratimit të urdhërit për caktimin e kordinatorit	Në menunë përkatëse në faqen zyrtare të institucionit	Kordinatori për të drejtën e informimit.
Përshkrim i procedurave të zgjedhjes, kompetencave të funksionarëve të lartë dhe procedura e ndjekjes për marrjen e vendimeve	Neni 7/1/d	<ul style="list-style-type: none"> <li>- CV Prefekti</li> <li>- VKM për strukturën e pagave në inst e Prefektit.</li> <li>- Rregullore e Brendshme e Institucionit.</li> <li>- Ligji 152/2013 "Për nëpunësin civil" i ndryshuar</li> </ul>	<ul style="list-style-type: none"> <li>- Pas botimit në Fletoren Zyrtare.</li> <li>- Përditësim pas çdo ndryshimi</li> </ul>	Në menunë përkatëse në faqen zyrtare të institucionit	Sektori i Financës dhe Shërbimeve Mbështetëse
Buxheti	Neni 7/1/e	<ul style="list-style-type: none"> <li>- Buxheti për vitin financiar</li> </ul>	Pas miratimit	Në menunë përkatëse në faqen zyrtare të institucionit.	Sektori i Financës dhe Shërbimeve Mbështetëse
Informacion për procedurat e prokurimit	Neni 7/1/ë	<ul style="list-style-type: none"> <li>- Regjistri i Prokurimeve publike.</li> <li>- Regjistri i realizimit të prokurimeve publike./</li> </ul>	Menjëherë pas miratimit	Në menunë përkatëse në faqen zyrtare të institucionit	Sektori i Financës dhe Shërbimeve Mbështetëse
Shërbimet e autoritetit për publikun	Neni 7/1/f	<ul style="list-style-type: none"> <li>- Regjistri i njoftimeve</li> </ul>	Përditësohet periodikisht	Në menunë përkatëse në faqen zyrtare të institucionit	Sektori i Financës dhe Shërbimeve Mbështetëse Kordinatori për të drejtën e informimit
Paraqitja e mendimeve në hartimin e p/akteve, etj.	Neni 7/1/gj	<ul style="list-style-type: none"> <li>- P/akt ligjor dhe nënligjor.</li> <li>- P/Strategji</li> </ul>	Pas nënshkrimit të relacionit	Në menunë përkatëse në faqen zyrtare të institucionit	Sektori Juridik
Mbajtja e dokumentacionit nga institucioni	Neni 7/1/h	<ul style="list-style-type: none"> <li>- Ligji nr.9154, datë 06.11.2003 "Për arkivat"</li> </ul>	Pas miratimit nga titullari	Në menunë përkatëse në faqen zyrtare të institucionit	Sektori i Financës dhe Shërbimeve Mbështetëse Specialist Protokoll arkiv

Informacione dhe dokumente që kërkohen shpesh	Neni 7/1/k	- Sipas kërkesës së të interesuarve	Pas miratimit nga titullari	Në menunë përkatëse në faqen zyrtare të institucionit	Kordinatori për të drejtën e informimit
Informacione të tjera të dobishme	Neni 7/1/l	- Aktivitete - Takime - Dokumenta të ndryshme	Pas miratimit nga titullari	Në menunë përkatëse në faqen zyrtare të institucionit	Sekretari i Përgjithshëm

## V. PUBLIKIMI

Në përputhje me këtë program transparence të miratuar, AP-ja vendos në dispozicion të publikut në faqen e tij të internetit [www.prefektiqarkutfier.gov.al](http://www.prefektiqarkutfier.gov.al) dhe në mjediset e pritjes së publikut, kategoritë e mësipërme, në një menu të veçantë të titulluar “Programi i Transparencës”

## VI. MONITORIMI

Komisioneri për të Drejtën e Informimit dhe Mbrojtjen e të Dhënave Personale monitoron zbatimin e ligjit për të drejtën e informimit, duke nxitur parimin e transparencës në punën e autoriteteve publike, veçanërisht duke sensibilizuar dhe informuar për çështje të së drejtës së informimit. Komisioneri bën rekomandime për autoritetet publike, lidhur me konceptimin dhe zbatimin e programeve institucionale të transparencës.

**SEKRETARI I PERGJITHSHEM**

**Arben VELO**